



Dezinfekcija autobusa, vozova i ostalih vozila (kamiona, automobila i sl.)

Potreba za primjenom mjera dezinfekcije može se pojaviti u slučaju **prevoza osoba pod sumnjom na zarazu ili oboljelih od visokokontagioznih bolesti**. Mjere sprovodi prijevoznik, privatno preduzeće prema ugovoru ili nadležno tijelo ovlašteno za sprovođenje mjera uz korištenje lične zaštitne opreme.

Sredstva na bazi natrijum hipohlorita su efikasna za uništavanje COVID-19. Sredstva na bazi alkohola mogu se koristiti za brisanje površina na kojima upotreba natrijum hipohlorita nije prikladna, na primjer metali.

Sredstva na bazi glutaraldehida efikasna su i praktična za primjenu.

Evropski centar za prevenciju i kontrolu bolesti (ECDC) izdao je preporuke aktivnih materija za dezinfekciju COVID-19 uz napomenu kako u obzir dolaze i sredstva na bazi drugih aktivnih materija ukoliko su odobrena od strane proizvođača te EU legislativom, odnosno crnogorskim zakonodavstvom. **Sva sredstva, kao i metode koje se koriste za dezinfekciju, moraju biti u skladu s internim upustvima vozila koje se dezinfikuju.**

Popis aktivnih materija za dezinfekciju COVID-19 prema preporukama Evropskog centra za prevenciju i kontrolu bolesti (ECDC):

- Etanol (70%)
- Natrijum hipohlorit (0,05-0,5%)
- Glutaraldehyd (2%)
- Izopropanol (50%)
- Benzalkonijum hlorid (0,05%)
- Natrijum hlorid (0,23%)

Postupci dezinfekcije u vozilima:

- Opremiti se zaštitnom opremom koja štiti od infektivnog materijala
- Pripremiti rastvor za dezinfekciju prema upustu proizvođača
- Otvoriti i postaviti vreću za infektivni otpad pored vidljivo zagađenog područja. Ukoliko iste nisu dostupne, na obične vreće naznačiti „INFEKTIVNI OTPAD“.
- Površine koje zahtijevaju čišćenje i dezinfekciju na **sjedištu na kojem je sjedio pacijent, susjednim sjedištima u istom redu, susjednim redovima** i drugim područjima obuhvataju:
 - sjedalni dio sjedišta
 - nasloni za ruke na sjedištu



- nasloni sjedišta (metalni i/ili plastični dio)
 - stočić
 - kvake za sigurnosni pojas
 - kontrole za svjetla i vazduh
 - susjedne zidove i prozore
 - sanitarne čvorove koji je koristio pacijent: ručke i brave na vratima, WC šolju, dasku WC šolje, slavinu, lavabo, susjedne i suprotne zidove

 - Ukoliko se radi o vozu s kabinama, navedene principe temeljnog čišćenja i dezinfekcije primijeniti na cijelu kabinu

 - Ostala područja čistiti i dezinfikovati u skladu sa uobičajenim protokolima za čišćenje propisanih standardnim protokolom

 - Podnim brisačem, krpama za jednu upotrebu ili papirnim peškirimima očistiti vidljivo zaprljano područje (ukloniti čvrste djelove i tečni otpad). Odložiti u vreću za infektivni otpad.
 - Promijeniti rukavice ukoliko su vidljivo zaprljane ili oštećene. Odložiti u vreću za infektivni otpad
 - Očistiti površinu deterdžentom i vodom
 - Izlijte rastvor za dezinfekciju oko zagađenog područja te koristeći papirne peškire/ubruse rastvor rasporediti prema središtu. Nakon što je područje vlažno, papirnim peškirimima/ubrusima očistiti područje te materijal odložiti u vreću za infektivni otpad
 - Osigurati odgovarajuće vrijeme kontakta između dezinfekcionog sredstva i površine radi uništenja mikroorganizama. Pridržavati se svih sigurnosnih mjera prema upustvima.
 - Kontaminirani tekstil staviti u vreću za infektivni otpad, zatvoriti je i označiti za kasnije odlaganje ili dezinfekciju (Za pranje tkanina koristiti program s temperaturom vode najmanje 70°C uz upotrebu deterdženta ili dezinfekcionog sredstva najmanje 25 minuta. U slučaju programa s temperaturom manjom od 70°C koristiti sredstvo prikladno za pranje na niskim temperaturama u odgovarajućoj koncentraciji).
 - Isprati vodom i osušiti područje. Eventualno preostale papirne peškire/ubruse odložiti u vreću za infektivni otpad.
 - Podne brisače oprati i dezinfikovati te ostaviti da se osuše.
 - Rukavice skinuti i odložiti u vreću za infektivni otpad.
 - Zatvoriti vreću za infektivni otpad te osigurati adekvatan transport i zbrinjavanje.
 - Kad su čišćenje i dezinfekcija završeni i rukavice skinute, ruke odmah oprati sapunom i vodom ili alkoholnim antiseptikom za ruke. Izbjegavati dodirivanje lica rukavicama ili neopranim rukama.

 - Za čišćenje izbjegavati korištenje komprimovanog vazduha ili vode pod pritiskom, isto kao i druge metode koje mogu prouzrokovati prskanje ili ponovnu aerosolizaciju zaraznog materijala. Usisavače koristiti samo nakon provedene odgovarajuće dezinfekcije.
-